



DE  
INNOCENTI  
INFECTIONE VENEREA

PRAESIDE

VIRO EXCELLENTISSIMO AMPLISSIMO ET EXPERIENTISSIMO

DOMINO

IOAN. CHRISTLIEB KEMME

MEDICINAE DOCTORE

EIVSDEMQUE PROFESSORE PVBLICO EXTRAORDINARIO  
ACADEM. IMPER. NATVR. CVRIOS. SODALI

PRAECEPTORE SVO LONGE HONORATISSIMO

DIE XXX. DECEMBRIS MDIO CCLXVII.

PVBLICE DISPVTABIT

AVCTOR

PETRVS GABRIELOW MILLORADOVICS

MEDICINAE ET PHILOSOPHIAE CVLTOR.



HALAE MAGDEBVRGICAE

LITTERIS IOANNIS CHRISTIANI HENDEL.



INNOCENTI  
INFECTIONE VENEREA

FRANCIS  
ALBERTUS  
IOAN. CHRISTOPH. WILHELM.





ILLVSTRISSIMO ATQVE EXCELLENTISSIMO  
DOMINO  
ALEXANDRO BORISSOV  
BVTURLIN

RVSSIACI IMPERII COMITI  
AVGVSTISSIMAE RVSSORVM IMPERATRICIS  
SVMMO MILITVM DVCI

ET  
ACTVALI CAMERAE PRAEFECTO  
LEGIONIS, QVAE PRAEOBRASCHENSKY SALVTATVR,  
MILITVM IN CVSTODIAM CORPORIS LECTORVM  
TRIBVNO VICARIO

VTRIVSQVE RVSSIACI ORDINIS  
SANCTI APOST. ANDRAEAE ET ALEXANDRI NEVENSIS  
EQVITI

DOMINO SVO LONGE CLEMENTISSIMO



HASCE

LITTERARVM PRIMITIAS

VT

PERPETVVM PIETATIS MONVMENTVM

INTER ARDENTISSIMA

PRO PERENNI INCOLVMITATE ET SALVTE

ET  
VOTA

EO, QVO DECET, ANIMI CVLTV,

HVMILLIME

D. D. D.

PETRVS GABRIELCW MILLORADOVICS.







DISSERTATIO ACADEMICA  
DE  
INNOCENTI  
INFECTIONE VENEREA.

---

§. I.



Nolo hic inhaerere iis, quae ad inuestigandam  
in rubro dissertationis indicati foedi huius  
morbi originem, non solum medici, verum  
etiam populi & integrae nationes, taedii ple-  
na, protulerunt, cum nihil certi ex delineatione eorum  
eruere, aut in vsum nostrum transferre possimus, nisi id,  
quod tristissima foetura, se semper propagans, toti eum or-  
bi notum reddiderit. Quem quaerentem ita fingit poeta:

*India me novit, iucunda Neapolis ornat,  
Boetica concelebrat, Gallia mundus alit;  
Vos Itali, Hispani, Galli, vos orbis alumni,  
Deprecor ergo, mihi dicite, quae patria?*



Neque in notione huius mali condenda & adstruenda multum laborabo, cum eandem, immo tristiore[m] fere fortem experta sit. Dicitur vix potest, in quam diuersas, hac in re, sententias abeant Medici, aliis corruptionem acrem & viscosam humorum lymphatico-ferosorum, quibusdam intemperiem massae sanguineae acido corrosiuam, aliis deprauationem humorum vitalium &c. assumentibus. Ego quidem non ausim, has dirimere lites, atque realem, quam vocant, venereae luis definitionem suppeditare, conuictus scilicet, quam parum plerumque valeamus, si vera miasmatum essentia exacte determinanda sit *a*). In nominali ergo notione acquiesco. Medici, si noverint, eiusmodi humorum massae illatam esse corruptionem, quae a praesentia miasmatis venerei proficitur, de existentia luis venereae amplius non dubitant. Hinc iam nominalis patet huius morbi definitio. Quae vero cum non intelligatur, ni miasmatis venerei naturam habeamus cognitam:

- a*) Sat spinosae sunt quaestiones, de quibus magna contentione inter medicos disceptatur, sitne miasma venereum alcalinae indolis? an acidae? num salinum? fixum vel volatile? De qua re licet lites moverint, nihil tamen certi determinarunt. Unde recte *Illustr. SCHACHT* in *Institutionibus medicinae practicae* Lib. IX. Cap. II. §. IX. *curate attendenti adparebit*, inquit, *spissus hic dari tenebras, neque facile intricatum hoc negotium expediri posse.* Quare ne videar

*Argutos interstrepere anser olores*  
specialem determinationem Chemicorum, si eam suscipere velint, indagatiōni relinquo.



tam: dotes eius adducam, quas fidelissimae edocent observationes. Si itaque ea, quae per quotidianam observationem innouerunt, examinauerimus, deprehendemus, quod miasma hocce  $\alpha$ ) sit *acre*, quod ipsum exulcerationes, dolores, ardores & pruritus partium infectarum sat superque probant.  $\beta$ ) *Lento gradu serpendo sese propaget*. De asserti veritate nemo dubitabit, qui cogitat, luem veneream morbum esse chronicum.  $\gamma$ ) *In pinguedinem, mucum & lympham praecipue tyrannidem suam exserat*.  $\delta$ ) *Partes sensiles irriuet, inflammet, rodat, easque, quas tangit, exulceret & in ichorem soluat*. Demum  $\epsilon$ ) *C. H. immediate tangens eique illatum summopere fit contagiosum*. Reliqua fere omnia miasmata, vt exserant vim contagiosae materiae, singularem sibi, a sanitatis iam statu recedentem, corporis inquinandi dispositionem vindicant. Miasma vero venereum vix unquam.

§. II.

*Infectio venerea innocens* mihi dicitur labe venerea, orta a causâ, quae ad transitum miasmatis venerei sub actu venereo, qui illicitus concipitur, reduci non potest. Cuius vt, cum fructu, demonstram tam possibilitatem, quam existentiam, hoc triplici vtar argumento: 1) ostendam, eiusmodi motum intestinum sponte in humoribus corporis humani oriri posse, cuius ope non tantum fluida humana corrumpuntur, sed spe.



specifica etiam illa ratione, quae in morbis venereis obtinet. 2) Euincam, fieri posse, vt sponte in veneream labem abeant tam fluor albus benignus, quam gonorrhoea benigna. 3) Denique docebo, dari quosdam contagii modos, ita comparatos, vt inde, innocenti plane ratione, venerea labes inducatur.

## §. III.

Vt iam *primum* momentum (§. anteced.) pateat: sequentia consideres, rogo:

- 1) Morbi venerei certe non sunt aeterni, sed, stato demum quodam tempore, homines adfligere coeperunt. Necessè itaque est, vt statuamus, existitisse quondam hominem, quicūque etiam fuerit, qui omnium primus miasma contraxit venereum. Huius in eo causā non potuit esse contagium venereum, ab alio quodam homine susceptum. Hinc *vel* alia quaedam externa, *vel* interna causā. Si *hanc* tibi assumere placuerit: concedere te oportet, fieri posse, vt miasma venereum sponte in fluidis corp. human. oriatur. Quodsi vero *illi* magis faueas: eam non, nisi duplici ratione, concipere poteris. *Vel* enim miasmate fuit venereo iam inquinata, *vel* non. Pone *hoc*. Ergo causā illa externa facultate tantum praedita fuit, fluida corp. hum. in eiusmodi motum intestinum abripiendi, quo suborto nascitur venerea materia. Hinc ortus morbi venerei, in eo casu, non soli causāe isti externae, sed



fed quam maxime etiam mixtioni & essentiae fluidorum corp. hum. adscribendus esset, sponteque exinde sequeretur, miasma venereum, absque vlla causa externa, in corp. hum. produci posse, si congruus modo intestinus fluidorum motus oriatur. Atqui motus intestini praeternaturales affectiones gradu tantum differunt, inque corpore humano, docente id putredine, summus motus intestini gradus effici potest. Quare, illa admissa sententia, sponte in corp. hum. nasci venerea materia posset. Concipe demum *illud*: certe ad animal demum quoddam brutum confugere te ultimo oportebit, quod, miasmate venereo inquinatum, homini eandem intulisset labem. Sed mixtiones fluidorum, quae replent animalium corpora, generatim consentiunt. Quod ergo, ex morbo quodam, in animali bruto miasma venereum ortum esse concipitur, id, simili ratione, potest in corp. hum. enasci.

§. IV.

- 2) Notatu digna est observatio *Celeberr. b. m. HVNDERT-MARCK*, quam descripsit in *Progr. de Ozaena Venerea* Lips. 1758. pag. 4. *Toties, inquit, repetita cognoui experientia, hominem, nulla prorsus labe venerea adpersum, humoribus tamen acrioribus & putridis refertum, vno verbo scorbuticum, simul atque cum femina libidinosâ, intemperante, iisdem quidem humoribus adfluente, ab illa*

B

ta-



tamen lue turpiori etiam non polluta, eo in primis tempore rem habuerit, quo menstruum calidius & acrius effuderit, vel impuriori laborauerit albo fluore, continuo iisdem correptum fuisse symptomatibus, quo vexari consueverunt, qui ipsum venenum venereum ex impuro hauserunt coitu, urinae difficultate, ardore, acrioris & putridae saniei profluvio, indeque, si fuerit suppressum, effecto bubone, inflammatione & exulceratione, item tumore crystallino praeputii, glandis cancroso erosione, & innumeris aliis malis, morbo venereo vere propriis. Ergo materia scorbutica, mirum in modum exagitata, in veneream abire potest. Nonne itaque motus etiam fluidorum intestinus, a causa interna ortus, miasma venereum excludere valet? Materia saltem scorbutica, eo solo praesente, suboriri potest.

## §. V.

Corruptio, luem veneram sistens, ex stasi humorum in loco calido, concurrente aëris adiumento, generari potest (per princ. Chem. & §§. pr.).

## §. VI.

Eiusmodi stasim, observationibus practicis id ipsum testantibus, in corp. hum. partibus reperiri, nemo inficias ibit. Contemplantes enim structuram vteri eiusque vaginae, nec non quantitatem muci in fluore albo, de possibilitate stasis certi esse possumus. Sed contingit etiam aeris accessus ad  
has



has partes. Quare fieri quoque potest, vt eiusmodi suboriantur fluidorum stagnantium motus intestinalis, qui venerei miasmatis causa existit (§. V.). Quare de transitu fluoris albi benigni in venereum spontaneo dubitari nequit. Generis autem luis venereae ex fluore albo maligno facilem esse, docet quotidiana obseruatio b).

§. VII.

Causae, determinantes fluorem album, erunt quoque causae possibiles luis venereae. Id docent Pathologia & §. anteced. Cum autem fluor albus a pathologis nuncupetur maior mucis eiusque vaginae excretio, quam ad sanitatem requirebatur: sequitur, causas, maiorem excretionem mucis ex

B 2

ute-

b) Cum singulis hisce consona quoque deprehenditur esse experientia. De transitu fluoris albi benigni in malignum, praeter caeteros legi meretur casus, in dissertatione *de fluoris albi benigni in malignum transitu sine praecuo contagio*, sub Praesidio Ill. BOEHMERI, Praeceptoris ac Fautoris mihi plurimum venerandi, delineatus. Idem casus probat, quod fluorem album exceperit lues venerea. Complura hic adhuc dici possent. De quibus, ne actum egisse videar, Lectorem ad euoluenda scripta Nicolai de BLEGNY, Chirurgi Parisiensis, in libro *l'art de guerir la maladie venerienne*; Iohan. Baptistae SYNIBALDI *de geneantropia* lib. IX. Tract. II. Ill. b. m. HOFFMANNI *Med. syst. ration.* Tom. IV. Part. V. Cap. IV. nec non SYDENHAMI *Oper. omni.* Tom. I. Epist. II. de *Lue venerea*, & ASTRUC *de morbis Vener.* Lib. V. Cap. XII. remitto.



vtro eiusque vagina determinantes, inter causas posibles fluoris albi venerei esse referendas (§. V.), adeoque & luis venereae. De his vero causis pluribus conf. Dissert. *Illustr.* BOEHMERI m. c.

## §. VIII.

Supra allatae causae hanc tragoediam ludere quoque possunt in gonorrhoea benigna. Vnde de transitu gonorrhoeae benignae in malignam, huius vero in luem veneream nequam dubitare possumus. Transitus nempe gonorrhoeae benignae in malignam sibi vindicat mutationem materiae minus venereae in veneream (per princ. Path.). Haec vero ex stasi humorum oriri potest (§. V.). Iam admitte, semen & liquidum prostaticarum glandularumque urethrae in maribus stagnare, (quod certe in gonorrhoea benigna multifaria ratione fieri potest): nonne concedes, posse eadem, temporis mora, in istam quoque putredinem abire, quam miasma sibi vindicat venereum? Nonne qui haec, aequa animi lance, perpendit, tuto inde colliget, mutationem gonorrhoeae benignae in veneream esse possibilem? Mutationem vero gonorrhoeae malignae in luem veneream, nemo, qui leui tantum brachio artem medicam attingit, in dubium vocabit e).

## §. IX.

e) Vt igitur horum, quae de transitu gonorrhoeae benignae in malignam diximus, eo magis adfirmamus certitudinem, non abs re erit,



## §. VIII.

Quo maior ergo est, quae obtinet in partibus genitalibus, debilitas, & quo diutius fluida ibi quiescunt: eo facilius erit

erit, nec a scopis, quem nobis praefixum habemus, alienum, ex observationum penu paucas easque potissimas hoc loco delibare. Confer ergo KRUGERYS (*Naturlehre Th. III. §. 446. pag. 589.*), de puero, annorum quatuordecim, ex gonorrhoea primo benigna, dein vero maligna laborante, historiam narrans. Neque minus ANONYMVS, qui in *Promptuario Hamburgensi* (vol. XVII. pag. 133 - 160.), se quoque in canibus & duobus hominibus transitum gonorrhoeae benignae in malignam obseruasse, testatur. Carol. Frid. HUNDERTMARCK l. c. quoque sine vilo contagio exortam esse gonorrhoeam virulentam ex obseruatis se edoctum esse, innuit (§. IV.). Videatur etiam Iohan. Fridericus CLOSS dissertatio inauguralis medica, de gonorrhoea virulenta sine contagio nata, Tubing. 1764. Praefide Celeb. STEWART hab. Elegans hic habetur obseruatio. Narrat scilicet, se ortum gonorrhoeae benignae, in adolescente annorum octodecim, post accurate institutum examen, e masturbatione sola, eaque, in medio operis, saepe cohibita, obseruasse; quam tandem, successu temporis, in gonorrhoeam malignam degenerasse probat. Initium denique gonorrhoeae virulentae, post frequentiores pollutiones nocturnas, obseruauit Exper. PRAESES. Adolescens innocentissimus, XX. circiter annorum, ab omni consortio venereo remotus, inde tamen a XIV. anno paullo frequentiores seminis eiaculationes nocturnas expertus, vitaeque sedentariae addictus, de seminis quondam, praecipitum inter & glandem resistentibus, particulis accuratius eluendis



erit tam transitus fluoris albi benigni in venereum & gonorrhoeae benignae in virulentam, quam ortus luis venereae d).

## §. X.

Contingere etiam subinde potest, vt, praesente gonorrhoea benigna, vel fluore albo benigno, accedat alius morbus, ex humorum acredine ortus, scorbutus praecipue, vlcera qualificata &c. Id si fiat: materia, sub istis morbis excernenda, non solum acrior, sed magis etiam ad incundum motum intestinum, prona euadet. Nonne itaque tunc, admissis praecipue causis, acrimoniam acuentibus motumque particularum adiuuantibus, fieri quoque potest, vt ex fluore albo benigno vel gonorrhoea benigna, fluor albus malignus, vel gonorrhoea maligna enascatur, hincque demum lues, quae venerea vocatur?

## §. XI.

parum sollicitus, paucis interiectis diebus de pruritu & dolore glandis conqueri coepit, sanem simul foetidissimam e genitalibus fluere, fulgure quasi tactus, videns. Materia effluens venereae simillima erat, vt iurasses, hominem sibi, ex coitu impuro, veneream contraxisse labem. Morbus interea curabatur primo statim die, ea scilicet methodo, quam in gonorrhoeae virulentae prima specie commendat BOERHAAVIUS (*de lue aphrodis.* pag. m. 125.), frequentiori imprimis ablutione.

d) Ergo fluor albus benignus, continuo durans, facilius in venereum transire debet.



§. XI.

Quo acriora ergo sunt, quae partibus genitalibus in-  
existunt fluida; quo propius praesens eorum acrimonia ad  
miasmatis venerei naturam accedit (§. I.); quo magis de-  
mum haec, ut ita dicam, incalescit (§. IV.): eo citius faci-  
liusque praedictus transitus (§. antec.) contingere potest e).  
Numquid etiam lues venerea, simili ratione, sine praevio  
fluore albo venereo, aut gonorrhoea venerea, nonnumquam  
nascitur? Vid. §. IV.

§. XII.

Haec sunt potiora, quae, de transitu spontaneo fluoris  
albi benigni & gonorrhoeae benignae in venerea mala, deli-  
benda esse credidi (§. II. n. 2.). Malui in his paucioribus  
subsistere, quam, prolixiora tradendo, patientiam Lectorum  
fati-

e) Explicatur hinc casus supra (§. IV.) allatus. Intelligitur quoque,  
ob quam causam miasma venereum in calidioribus regionibus  
frequentius faciliusque generetur, quam in frigidioribus. Mulie-  
res certe, quae calidiores incolunt regiones, sanguinem summo-  
pere acrem & corruptum effundere dicuntur. Testantur id ii,  
qui itinera fecerunt, & ex his ASTRUC. In tanta ad putredinem  
proclivitate, miasmatis venerei, quae ibi occurrit, frequentia mi-  
randa non erit. Qui demum effectus pensitat, quos exerit hor-  
rendum & detestabile peccatum, quod adeo mascule descripsit  
TISSOT (*l'Onanisme ou dissertation. phys. sur les maladies produit. par  
la Masturbation.*), sine omni opera cognoscat, quam facile fieri de-  
beat, ut gonorrhoeam benignam, inde enatam, virulenta exci-  
piat. Confer. n. c.



fatigare. Ad singula attentio reliqua facili opera edocebit. Qui vero ortum iuis venereae, ex causis supra allegatis, recte considerauerit, ille non solum eo facilius ad sensum praebebit propositioni nostrae (§. II.), sed ratio etiam constabit ipsi, quare omnis aetas ac sexus huic morbo innocenter succumbere queat. Nunc autem ad tertium momentum (§. II.) transeo.

## §. XIII.

Miasma venereum in corp. hum. oriri potest ex transitu materiae eiusdem indolis ad corpus humanum facto (§. I.). Quare quot dantur huius transitus modi, tot etiam erunt contagii venerei diuersitates.

## §. XIV.

Pone iam sanguinem, qui nutritioni foetus inseruit, miasmate quodam, & venereo quidem, infectum esse: nonne tunc foetus eiusdem mali, idque innocenti plane ratione, particeps erit? Ast ne arguari nudisque saltem ratiociniis pugnare videar: casum subiiciam, quem clinicam praxin, ductu *Illustr. IVNCKERI*, Praeceptoris ac Fautoris longe honoratissimi, facienti consignare mihi licuit. Puer, annorum nouem, phaenomenis, ad dignoscendam luem veneream sufficientibus, affectus deque eo profligando sollicitus, conuenit Praeceptorem modo laudatum, Virum eximium & in arte medica versatissimum, eius simul opem implorans. Non  
pocui-



potuimus ab initio mali originem vlllo modo determinare. Accersita vero dein eius matre: ea statim innotuit. Fatebatur enim, se tempore grauiditatis, illa lue vexatam esse. Vnde videre est, euolutum miasma originem traxisse a matris sanguine f).

§. XV.

Maritus, venerea labe infectus, ruens in vxoris innocentissimae amplexus, cum hac primo, dein cum foetu miasma venereum communicat. Innocenti id suscipiunt ratione. Lege obseruationem, quam narrat ROSÉEN loc. cit. pag. 56C. & aliam, quam IDEM ex FORESTO pag. 556. affert g).

§. XVI.

f) Similes obseruationes collegit ROSÉEN (*von den Kinderkrankheiten* pag. 556. seqq.). Ex allato caeterum casu non solum patet, lucem veneream posse morbum haereditarium sistere (male ergo *Clariss. MEDICVS in der Sammlung von Beobacht. aus der A. W. Th. II.* pag. 744. 751. morborum haereditariorum possibilitatem negat), sed docet etiam, quod praecipue notari debet, per quam longum nonnumquam tempus miasma venereum, sine notabili noxa, corpori inhaerere possit. Neque bene ideo generatim dixit ROSÉEN (l. cit. p. 562.): *Bey Kindern komt dieses Gift bald zum Ausbruch.*

g) *Vir quidam, inquit FORESTVS (de lue venerea. Obseruat. II.), in Haga Comitum alopecia venerea laborans, cum uxorem formosam duxisset, eadem lue ipsam infecit. Peperit illa inde & puellam infantulam, quae in utero matris eodem malo affecta, cum nutrici honestae, licet tenuioris fortunae, commissa esset, ipsa etiam nutrix*  
C eadem



## §. XVI.

Ex physiologicis constat, sanguinem esse fluidorum secretorum fontem. Illa itaque fluida, quae a sanguinis oceano feceruntur, qua talia, iisdem particulis acribus, quibus ipsemet refertus est, scateant necesse erit. Cum autem lac natales suos a sanguinis massa mutuet: iisdem particulis nociuis, quas illa continet, inquinari debet, quando illi sanguinis parti inexistunt, quae lactis secretioni propius inseruit. Si itaque admiseris, foeminas, infantes lactantes, laborare sanguine, miasmate venereo infecto: neutiquam de infectione innocenti infantis dubitabis (§. I. γ. & §. XIII.) *b*).

## §. XVII.

Per poros, quos cutis superficies sinit, sudor educitur, docente id Physiologia. Is autem, cum a sanguine secernatur, iisdem refertus sit particulis, quibus sanguinis pars serosa impraegnata fuit, oportet (§. anteced.). Quemadmodum autem vasa, fluidum excernentia, superficie corporis terminantur: ita quoque reorbentia ibidem deprehendi, in

Anatodem lue infecta & correpta est: & denuo duo alii infantuli ipsius nutricis, tum & filia ipsius nutricis sex annorum. Notat FORESTVS, AMATVM similem fere narrare historiam.

*b*) Neque in hac re destituti sumus experientiae & observationum consensu. Ipse SYDENHAMVS, egregius huius mali delineator, loco supra citato, pag. m. 205. quando per generationem ac lactationem propagari hoc malum innuit, propositionis veritatem abunde confirmat. Videatur quoque ROSÉN I. c. p. 571.



Anatomicis & Physiologicis euictum est. Conf. de ista re *Perillustr.* HALLERVS in *Element. Physiolog. Corpor. human.* Tom. V. Libr. XII. Sect. II. §. XX. p. 85. seqq. Haec vero, per leges determinatas, resorbam materiam cum sanguine communicare valent; quo peracto, nihil obstat, quo minus idem, si materia resumpta corrupta & vi, fluida sana sibi assimilandi, praedita fuerit, inficiatur. Iam concipe tibi, subiecti venerei sudorem transferri per vasa bibula ad aliud subiectum: opus tunc erit, vt cutis primo, ipse vero dein sanguis vim veneni venerei experiatur. Hunc contagii modum variae docuere obseruationes *i)*, licet, a nonnullis, plane negatus, saltim in dubium vocatus sit (*Perillustr.* HALLERVS l. c. pag. 88.).

§. XVIII.

Infantes & pueri, vtpote quibus laxior contigit cutis, facilius materias, cuti applicatas, resumunt. Quare necesse

C 2

est,

*i)* Confer. *Illustr. b. m. HOFFMANNVS in Medic. System. ration. l. c.* Obseruat II. quo in loco, puerum annorum duodecim, ex conversatione cum famulo, gonorrhoea maligna laborante, ob receptum, per vasa cutis inhalantia, viru venereum, in pessimam incidisse luem veneream, docet. Casus, quem *Guil. Fabric. HILDANVS in Obseruat. Chirurg. Centur. V. Obseru. XCVII.* narrat, non minus notabilis est. Vir enim honestus, qui, iter faciens, cum venereo famulo cubat, labem inde contrahit veneream. Redux uxorem, tres infantes, & ancillam inquinat. Confer. etiam HALLERVS loc. cit. pag. 88.



est, ut cum his, praedicta ratione (§. antec.), miasma venereum citius faciliusque, quam cum aliis, communicetur. Qua in re omnes consentiunt. Vid. *Illustr.* b. m. HOFFMANNVS l. m. c. ROSÉN l. c. Nonne vero sexus amabilis, ob eandem rationem, mala venerea facilius incurrit?

## §. XIX.

Miasma venereum sero & lymphae praecipue inhaeret (§. I. γ.). Lues itaque venerea saluam etiam inquinat, necesse est. Quodsi ergo haec, materia venerea scatens, vasibus absorbentibus sani corporis adplicetur: fieri facile debet, ut huic, innocentissima saepe ratione, lues inferatur venerea. Basia hinc k) & succio infantum venereorum l) contagium propagant.

## §. XX.

Cum vasa corporis humani inhalantia admotam ipsis materiam veneream recipere queant: sequitur, sanum hominem,

k) Res satis nota exemplo vix opus habet. Vnicum adiciam. *Sacerdotem Alemariae cognoui, inquit FORESTVS (loc. cit. pag. m. 72.), multis abhinc annis, cum puer essem, adeo facie deturpatum ex lue venerea, ut videretur leprosus & carcinomate totius faciei infectus: hic ebrius exsiliens, cum publice chorcas in platea duci videret, ac puellulas cantillantes, eas accedens, unamque ex formosulis inuitam osculatur, solo osculo ipsam eadem lue infecit.* Similem observationem tradit ROSÉN l. cit. p. 556. ex LINDESTOLPHI tract. de morb. vener. pag. 35.

l) Confer. not. b. ROSÉN l. c. pag. 56f.



nem, innocenti etiam ratione, labi venereae obnoxium reddi posse, si partes genitales venereorum *m*), aut cutim eorum, exanthemate venereo foedatam *n*), diu tangat, vel corpora alia, miasmate venereo inquinata, aut manu teneat, aut corpori suo admoueri patiatur *o*).

§. XXI.

Cutis tenerior minus resistit; calor laxat vasa motumque intestinum adiuuat; dilata denique ablutio partium, quibus admota fuit lenta, sed contagiosa materies, efficit, ut huic, corpus ingrediendi, concedatur tempus. Quare quo teneriora sunt loca, quibus applicatur materies venerea; quo magis incalescunt illa & sudant, quoque diutius miasma venereum, partes tangens, retinetur: eo facilius eoque certius contagium venereum propagabitur.

C 3

§. XXII.

*m*) Chirurghi & obstetrices hinc morbos venereos nonnumquam contrahunt. Vid. memorabile huius rei exemplum in *Journal de Médecine &c.* Tom. X. Febr. 1759. quod legi potest in *der neuern Sammlung auserlesener Wahrnehmung. aus allen Theilen der Arzeneyw.* Erst. Band. pag. 219. seqq. Non absimiles casus litteris mandauit *ASTRUC*, ex aliis desumptos. Miror itaque, dici potuisse, nostris temporibus, hac ratione morbos venereos non propagari. Ablutio manuum forsitam impedit, quo minus eiusmodi casus frequentiores obseruentur.

*n*) *ASTRUC* l. c. Libr. II. pag. m. 62. seqq.

*o*) *HILDANVS* l. cit. Centur. I. Observ. C. tristem consignauit historiam, quae huius rei exemplum praebere potest. Verum in re nota non multus sum.



## §. XXII.

Generatim hucusque docui, qua ratione fiat, vt labes venerea, innocenti plane ratione, latius serpere queat. Atque haec, ad comprobandum assertum (§. II. n. 3.), sufficere iudico. Possset quidem explicationis filum longius extendi, si omnia momenta, quae ad illustrandam hanc rem faciunt, tradere vellem; sed cum, pro instituti ratione, per texta sit tela, in praedictis acquiescere satius esse censeo & conuenientius. De propagatione morbi venerei, quam, absque immediato contactu, perfici posse, nonnulli arbitrati sunt, nil dixi, cum tot essent obseruationes, quae, illam fieri non posse, luculentissime euincunt. Qua de re ASTRUC dignus est, qui conferatur. Neque minus VALENTINI in *Pandect. medico-legal.* Part. I. Sect. II. Caf. XII.

## §. XXIII.

Cum miasma venereum sibi semper sit simile: innocenti etiam ratione corpori illatum non poterit aliis symptomatibus stipari, quam quae morbis venereis in Pathologia adscribuntur. Quare, ex instituti ratione, haec symptomata omitto, ad signa innocentis infectionis venereae tam diagnostica, quam prognostica enodanda me accingens.

## §. XXIV.

Atque primo quidem, quod diagnofin atinet, factam nimirum esse, innocenti ratione, veneream infectionem: huius signa composita esse ex morborum venereorum & innocentiae signis, vltro attendenti patet. Priora ex Semiologia constant atque ex iis, quae eleganter, vt solet, *Illustr. RO-*  
 séEN



scēn I. c. tradidit. His itaque recensendis superfedeo. Posteriora vero desumi praecipue possunt ab innocentiae notis generalioribus; ab aetate; a loco statim in principio morbi adfecto; a noto demum innocenti subiecti cuiusdam cum veteris commercio. Plura sine dubio, & specialia quidem, dantur huius rei signa. Sed haec, in casibus, quae in vita media occurrunt, saepe quam maxime vtilia, acumini cuiuslibet Medici relinquenda esse duco. Generalia hic apposuisse sufficit.

§. XXV.


Prognosis morborum venereorum, qui innocenti infectioni natales suos debent, alias ab ea non recedit, quam in casibus, innocenti infectioni oppositis, formare Semiologum oportet. Interdum vero fatis ab ea differt. Nonnumquam enim labes venerea, innocenti ratione illata, malitia superat eam, quae aliunde originem suam sumit. Potest scilicet a vitio alte radicato pendere. Cum interea actus venerei, sua natura, vim materiae contagiosae acuant: fieri omnino potest, ut innocens infectio morbum venereum producat leuiorem faciliusque sanabilem.

§. XXVI.

Atque hic filum abrumpo. Quae enim de methodo medendi dici adhuc possent, cum a curatione morborum venereorum, alias vtili, vix abludant, recte omittuntur. Eo modo respiciat Medicus, ut vitium corporis, quod causa nonnumquam remota miasmatis venerei existit, exacte, quantum fieri potest tollat, curam saepe diu continuet, ne malum repullulet, atque aegro causarum occasionalium fugam commendet.

AVCTORI




  
 AVCTORI

S.

IOANNES CHRISTLIEB KEMME.

**N**on cogitasset de his litteris, quas **TIBI** nunc inscribo, **AESTVMATISSIME MILLORADOVICS**, ni e re **TVA** fore credidisset, si meo etiam testimonio constet, verum **TE** esse huius speciminis auctorem. Materies scripti, ordo veritatum, harum summa argumenta a **TE** proficiscuntur. Pauca adieci ego, nonnulla mutavi, non necessitate quidem ad id impulsus, sed **TVA** potius modestia coactus, cui satisfaciendum esse duxi, ne vlla in re **TIBI** deesse viderer. Gratulor itaque **TIBI** de egregio acquisitae scientiae specimine, quod propediem, me teste, strenue, credo, defendes. Gratulor etiam de vita academica, hucusque cum insigni laude acta! Vale, **PRAESTANTISSIME CANDIDATE**, meque in **TVIS** habere numquam desine. Dab. in Frideric. d. XXIX. Decembr. MDCCLXVII.






Halle, Diss., 1766-67




Rehro v











DE  
INNOCENTI  
INFECTIONE VENEREA

PRAESIDE

VIRO EXCELLENTISSIMO AMPLISSIMO ET EXPERIENTISSIMO  
DOMINO

IOAN. CHRISTLIEB KEMME

MEDICINAE DOCTORE

EIVSDEMQUE PROFESSORE PVBLICO EXTRAORDINARIO  
ACADEM. IMPER. NATVR. CVRIOS. SODALI

PRAECEPTORE SVO LONGE HONORATISSIMO

DIE XXX. DECEMBRIS cIo Io CCLXVII.

PVBELICE DISPVTABIT

AVCTOR

PETRVS GABRIELOW MILLORADOVICS

MEDICINAE ET PHILOSOPHIAE CVLTOR.



HALAE MAGDEBVRGICAE

LITTERIS IOANNIS CHRISTIANI HENDEL.

17  
1767  
12

